

Në bazë të nenit 3 të Rregullores së UNMIK-ut mbi vetëqeverisjen e komunave të Kosovës nr.2000/45, të dt. 11 gusht 2000 dhe të nenit 19 të Statutit dhe rregullave të procedurës të Komunës së Prishtinës, të dt.16.3.2001, sipas kërkesës së Zyrës turke për caktimin e lokacionit të mundshëm, Kuvendi i Komunës së Prishtinës, më 21.06.2007,, merr këtë

V E N D I M

I. Si lokacion i mundshëm për ndërtimin e Zyrës turke, të propozohet lokacioni në lagjen “Ulpiana“, në pjesën e ngastrave kadastrore nr. 2775, 2776 dhe 2778/2, KK Prishtinë, në afërsi të sheshit “Isa Boletini”.

II. Lokacioni, nga pika I e këtij vendimi, i ofrohet Zyrës turke për qëllimin e hulumtimit paraprak nga aspekti i pozitës së lokacionit ndaj infrastrukturës përkatëse rrugore, si dhe përshtatshmërinë nga aspektet tjera urbanistike dhe teknike.

III. Pas hulumtimit përkatës të përshtatshmërisë së këtij lokacioni, Zyra turke do ta informojë Komunën e Prishtinës lidhur me rezultatin dhe mendimin përkatës, konform me përshtatshmërinë e këtij lokacioni për nevojat e ndërtimit të kësaj zyreje.

IV. Kuvendi i Komunës së Prishtinës, lokacionin e përshkruar në pikën I të këtij Vendimi, pas konfirmimit për përshtatshmërinë e këtij lokacioni, të dedikuar për ndërtimin e Zyrës turke, Kuvendi i Komunës së Prishtinës, me vendim të veçantë do ta bëjë caktimin e lokacionit nga aspekti i planifikimit hapësinor, si dhe do ta rregullojë mënyrën e dhënies në shfrytëzim të lokacionit të lartpërshkruar.

KUVENDI I KOMUNËS SË PRISHTINËS
Nr .01-353-266, më 21.06.2007

KRYETARI I KUVENDIT
Ismet Beqiri